



CONVENIO DE COLABORACIÓN ENTRE A CONSELLERÍA DE EMPREGO E IGUALDADE E A DEPUTACIÓN PROVINCIAL DA CORUÑA PARA A ACREDITACIÓN DA FORMACIÓN IMPARTIDA NO MARCO DO PROGRAMA DE SALVAMENTO E SOCORRISMO ACUÁTICO FINANCIADO CON CARGO A FONDOS PROPIOS DESTA DEPUTACIÓN PROVINCIAL

En Santiago de Compostela, a 22 de febreiro de 2021

COMPARECEN:

Por unha banda,

Dona M.^a Jesús Lorenzana Somoza, conselleira de Emprego e Igualdade da Xunta de Galicia, nomeada polo Decreto 112/2020, do 6 de setembro (DOG núm. 181 do 7/09/2020) actuando en virtude das facultades atribuídas polo artigo 34.1 da Lei 1/1983, do 22 de febreiro, de normas reguladoras da Xunta e da súa presidencia. De acordo co artigo 7 do Decreto 130/2020, do 17 de setembro, polo que se fixa a estrutura orgánica das vicepresidencias e das consellerías da Xunta de Galicia (DOG. núm. 190 do 18 de setembro de 2020) e polo Decreto 215/2020 do 3 de decembro, polo que se establece a estrutura orgánica da Consellería de Emprego e Igualdade, no artigo 44.b) atribúese á Dirección Xeral de Formación e Colocación as competencias relativas, entre outras, a dirección e xestión das funcións atribuídas á consellería en materia de formación profesional para o emprego.

E pola outra,

Don Valentín González Formoso, Presidente da Deputación Provincial da Coruña, actuando en nome desta institución polo poder que lle foi conferido no acto de nomeamento por Acordo Plenario do 1 de xullo de 2019, no exercicio das competencias que lle atribúe a Lei 7/1985 de 2 de abril, reguladora das bases de réxime local.

Actúan as partes no exercicio dos seus cargos e na representación que ostentan, recoñecéndose reciprocamente a capacidade suficiente para asinar este convenio e

EXPOÑEN:

PRIMEIRO.- A Consellería de Emprego e Igualdade, mediante o Decreto 215/2020, do 3 de decembro, polo que se establece a estrutura orgánica da mesma, atribúe á Dirección





Xeral de Formación e Colocación competencias relativas, entre outras materias, á formación profesional para o emprego.

A Orde TMS/368/2019, de 28 de marzo, pola que se desenvolve o Real decreto 694/2017, do 3 de xullo, polo que se desenvolve a Lei 30/2015, de 9 de setembro, pola que se regula o Sistema de Formación Profesional para o Emprego no ámbito laboral, en relación coa oferta formativa das administracións competentes e o seu financiamento, así como o establecemento das bases reguladoras para a concesión de subvencións públicas destinadas ao seu financiamento, sinala no artigo 1.5.e) que a autorización, seguimento, control, avaliación e acreditación das cualificacións profesionais obtidas, levarase a cabo de acordo co disposto no artigo 19 do Real decreto 34/2008, do 18 de xaneiro, polo que se regulan os certificados de profesionalidade. Será de aplicación o establecido, para esta iniciativa de formación, na normativa mencionada no supostos de accións formativas financiadas con fondos privados ou públicos, pero que non formen parte da oferta de formación profesional para o emprego financiada polas administracións públicas competentes de acordo co previsto na Lei 30/2015, do 9 de setembro e a súa normativa de desenvolvemento.

A deputación da Coruña, e ante as dificultades destes últimos anos entre os concellos para acadar un número axeitado de profesionais do salvamento e socorrismo acuático para desenvolver con eficacia os servizos de vixilancia e atención nos seus espazos acuáticos, ven desenvolvendo un Programa de Salvamento e Socorrismo Acuático, como unha oportunidade máis que, xunto aos procesos de acreditación de competencias, as convocatorias de accións formativas para desempregados e as de adaptación da actividade física e deportiva para o exercicio profesional do socorrismo en instalacións acuáticas e espazos naturais, facilite a obtención da formación válida para desempeñar a actividade profesional neste ámbito, que amplíe así a oferta de socorristas acuáticos inscritos no rexistro profesional de Galicia e facilite aos concellos do territorio provincial a contratación destes profesionais.

Estas accións formativas responden así ás necesidades locais xeradoras de emprego na provincia e resultan axeitadas aos requirimentos de quen oferta emprego na provincia, e están apoiadas tamén pola deputación da Coruña a través da convocatoria anual do programa de apoio aos concellos do interior da provincia, de menos de 50.000 habitantes, no mantemento dos gastos da contratación de socorristas, directamente ou mediante a externalización do servizo, para as piscinas municipais e praias fluviais.

Tendo en conta así a demanda tanto de concellos como de persoas interesadas en formarse neste sector de actividade, fórmase o Programa de Salvamento e Socorrismo Acuático que contempla a execución de dúas edicións que faciliten a obtención dos dous certificados de profesionalidade:

- Socorrismo en Espazos Acuáticos Naturais. Código AFDP0209 (AFD340_2)
- Socorrismo en Instalacións Acuáticas. Código AFPDP0109 (AFD096_2)





A execución deste programa finánciase co 100% da achega provincial segundo se detalla no orzamento da licitación:

LIÑA ORZAMENTARIA	IMPORTE	FINANCIAMENTO
		DEPUTACIÓN (100 %)
0520/24100/227.99 RC N° de Operación: 220200005316	109.996,26 €	109.996,26 €
Socorrismo en Espazos Acuáticos Naturais e en Instalacións Acuáticas	54.998,13€	54.998,13 €
Socorrismo en Espazos Acuáticos Naturais e en Instalacións Acuáticas	54.998,13€	54.998,13€
CUSTE TOTAL	109.996,26 €	109.996,26 €

As accións deste programa e os seus contidos atópanse no sistema de formación profesional e ocupacional, programas e certificados recoñecidos polo Instituto Nacional das Cualificacións e o Instituto Galego de Cualificacións, coa súa correspondencia co Catálogo Modular de Formación Profesional.

As especialidades formativas do programa habilitan para o salvamento e socorrismo en ocupacións ou postos de traballo distintos, e facilitan a dobre titulación, eliminando así a estacionalidade da actividade laboral que ocasiona só a capacitación en Socorrismo para Espazos Acuáticos Naturais, permitindo entón o acceso das persoas formadas ás demandas de postos de profesionais para as instalacións deportivas acuáticas durante todo o ano.

CÓDIGO	FAMILIA PROFESIONAL	AREA PROFESIONAL	DENOMINACIÓN	NIVEL	Nº EDICIÓN	OBS
AFDP0209 (AFD340_2)	Actividades físicas e deportivas	Prevención e recuperación	Socorrismo en Espazos Acuáticos Naturais	2	2	Certificado completo
AFDP0109 (AFD096_2)	Actividades físicas e deportivas	Prevención e recuperación	Socorrismo en Instalacións Acuáticas: MF0270_2: Prevención de accidentes en instalacións acuáticas MF0271_2: Rescate de accidentados en instalacións acuáticas. MP0186: Módulo de prácticas profesionais non laborais	2	2	Formación modular

Este programa convértese nunha oportunidade para as persoas desempregadas da provincia de obter os Certificados de Profesionalidade de Socorrista en Espazos Acuáticos Naturais e de Socorrista de Instalacións Acuáticas, en base ás directrices establecidas polo Instituto Nacional das Cualificacións Profesionais (INCUAL), na Orde PRE/1340/2016, do 29 de xullo, pola que se actualizan seis cualificacións profesionais da familia profesional Actividades Físicas e Deportivas, recollidas no Catálogo Nacional de



Cualificacións Profesionais e establecidas polo Real decreto 1087/2005, e as súas posteriores modificacións, e as do Ministerio de Traballo e Inmigración e publicadas na Cualificación Profesional de "Socorrismo en Espazos Acuáticos Naturais", e de "Socorrismo en Instalacións Acuáticas" do Real decreto 711/2011, do 20 de maio, polo que se establecen tres certificados de profesionalidade da familia profesional Actividades Físicas e Deportivas que se inclúen no Repertorio Nacional de certificados de profesionalidade e actualízase o certificado de profesionalidade establecido no Real decreto 1209/2009, do 17 de xullo, modificado posteriormente polo Real decreto 611/2013, do 2 de agosto.

Na implantación práctica do Programa de Salvamento e Socorrismo Acuático observaranse, en todo caso, os requirimentos substanciais recollidos nos certificados de profesionalidade correspondentes tanto na súa execución en modalidade completa como na modular.

As accións formativas están orientadas ás persoas demandantes de emprego, co fin de fomentar tamén a empregabilidade nunha ocupación que presenta unha alta inserción laboral, e que cumpran os seguintes requisitos:

- Estar inscritas na Oficina de Emprego que lle corresponda e coa tarxeta de demandante de emprego vixente á data do prazo de inscrición.
- Ter cumpridos os 18 anos de idade no momento da inscrición.
- Estar empadroad/a en algún dos concellos da provincia da Coruña, preferentemente con poboación inferior a 50.000 habitantes
- Estar en posesión dos títulos ou certificados precisos para cursar a formación correspondente a un certificado de profesionalidade de nivel 2.

SEGUNDO.- Entre as competencias que en materia laboral lle corresponden á Comunidade Autónoma de Galicia, consonte ó establecido no artigo 29.1 do Estatuto de Autonomía de Galicia e de conformidade co establecido no Decreto 69/1993 do 10 de marzo, de asunción e asignación das funcións e servizos transferidos en materia de formación profesional ocupacional, está a de promoción do emprego e formación profesional para o emprego. A Consellería de Emprego e Igualdade ten atribuído o seu exercicio de acordo co establecido mediante o Decreto 215/2020, do 3 de decembro, polo que se establece a estrutura orgánica da Consellería de Emprego e Igualdade.

Co obxectivo de dar resposta eficaz ás demandas do mercado de traballo na promoción de novas oportunidades de emprego e tendo en conta que se considera a formación profesional para o emprego como un instrumento básico dentro das políticas activas, é necesario promover unha oferta conducente a potenciar a inserción e reinserción profesional da poboación demandante de emprego, mediante a cualificación, recualificación ou posta ó día das súas competencias profesionais.



TERCEIRO.- Ambas institucións comparten a crenza de que a mellor e máis prioritaria inversión é o capital humano. No momento actual, onde a ralentización económica se deixa sentir especialmente no emprego e na formación, cómpre actuar conxuntamente e tomar medidas combinadas, que supoñan a optimización dos recursos públicos previstos polas diferentes administracións para incentivar e dinamizar o mercado e fomentar as cualificacións dos recursos humanos, contribuíndo a concretar algunha das actuacións propostas na Comunicación da Comisión Europea 2020 “Una estrategia para un crecimiento inteligente, sostenible e integrador” [COM (2010) 2020 final].

Por todo o anterior, e na procura da optimización do uso de recursos públicos, en concreto, do financiamento proporcionado pola administración local, ambas as partes consideran de interese a sinatura deste convenio, cos compromisos que a continuación se relacionan.

ACORDAN:

Sentar as bases, definidas nas cláusulas que a continuación se recollen, para que a formación establecida no punto PRIMEIRO deste convenio, impartida dentro do Programa de Salvamento e Socorrismo Acuático leve consigo a acreditación a través da expedición dos correspondentes certificados de profesionalidade, que en todo caso, serán emitidos polo órgano competente da Comunidade Autónoma de Galicia, logo de cumprir os requisitos previstos para tal fin no presente convenio.

CLÁUSULAS:

PRIMEIRA.- OBXECTO

O obxecto deste convenio é recoller as características e condicións que debe reunir a formación impartida a través do Programa de Salvamento e Socorrismo Acuático asociada aos certificados de profesionalidade, para que o alumnado participante nas mesmas, que finalice con avaliación positiva os módulos formativos asociados a cada un destes, poida acceder á súa expedición por parte da Xunta de Galicia.

O obxectivo da formación desenvolvida é proporcionar ás persoas que nela participen unha cualificación profesional que lles permita acceder con mellores condicións de empregabilidade ó mercado laboral, obxectivo que é compartido pola Consellería de Emprego e Igualdade.

A formación impartida realizarase de forma presencial, seguindo as normas ditadas ao respecto pola situación da pandemia COVID-19, e desenvolverá todos os módulos formativos incluídos nos certificados de profesionalidade referidos.

Os medios materiais e didácticos, o cadro docente e os locais onde se impartirá a formación, responderán ós requirimentos esixidos nos reais decretos onde se regulan os



certificados de profesionalidade correspondentes a cada itinerario e a normativa COVID-19.

SEGUNDA.- OBRIGAS DA DEPUTACIÓN DA CORUÑA

A deputación da Coruña obrígase, mediante este convenio, a desenvolver a formación referente aos certificados de profesionalidade recollidos no parágrafo PRIMEIRO deste convenio, cumprindo cos requisitos esixidos na normativa referida. Nomeadamente comprométese a:

1. Comunicar á Xefatura Territorial da Coruña da Consellería de Emprego e Igualdade o calendario de desenvolvemento das accións formativas a impartir, o lugar onde se impartirá a formación teórica, o centro de traballo onde se realizarán as prácticas, o programa formativo en formato normalizado, co desenvolvemento de cada un dos módulos formativos que comprenda a acción formativa a impartir, a duración e os equipamentos necesarios, a relación dos docentes cos respectivos currículos. Ao finalizar as accións formativas comunicará a relación do alumnado que finalizou o curso con avaliación positiva.

Para isto, a deputación da Coruña comprométese especificamente a garantir que a adxudicataria que desenvolva a formación referente aos certificados de profesionalidade anteditos estea inscrita no rexistro de Centros e Entidades de Formación para o Emprego da Xunta de Galicia e empregará a aplicación informática SIFO (na que rexistrarán o calendario de realización de cursos, as actas de selección de candidatos como alumnos dun curso, a relación de alumnos e profesores coa súa asistencia por curso e día, as prácticas non laborais), para facilitar o labor de supervisión, coordinación e control polos técnicos da Xefatura Territorial correspondente, pertencente á Consellería de Emprego e Igualdade.

2. Seleccionar o alumnado, preferentemente, a través da oferta de formación do Servizo Público de Emprego de Galicia. Os criterios de selección que se aplicarán serán o cumprimento dos requisitos esixidos polo certificado e a pertenza a grupos ou colectivos de vulnerabilidade no emprego.

3. Verificar, con anterioridade ó inicio da acción formativa, que o alumnado reúne os requisitos esixidos para acceder á formación do nivel 2 e 3, segundo a normativa de referencia, e que a especialidade formativa segue de alta no ficheiro de especialidades formativas do SEPE.

4. Impartir a formación en locais acreditados pola Consellería de Emprego e Igualdade para a impartición das especialidades formativas referidas neste convenio.

5. Someterse ás actuacións de supervisión e control que, en calquera momento, poidan acordar os servizos competentes da Consellería de Emprego e Igualdade, así como todas aquelas actuacións de avaliación, seguimento e control esixidas polo Real decreto 34/2008, do 18 de xaneiro, polo que se regulan os certificados de profesionalidade.





6. Verificar que a adxudicataria da formación contratada imparte os módulos de formación práctica en centros de traballo, segundo o previsto nos reais decretos que regulan os certificados de profesionalidade e que comunicarán á Xefatura Territorial da Coruña da Consellería de Emprego e Igualdade, os convenios de colaboración cos ditos centros, así como toda a documentación relativa ós mesmos como as pólizas de seguros contratadas.
7. Que todo o persoal docente, participante na formación, reúna as prescricións sobre a formación e experiencia profesional recollidas no Anexo IV de cada certificado, segundo o establecido nos respectivos reais decretos e que será comunicado polas empresas de formación contratadas mediante o SIFO.
8. Avaliar ó alumnado por módulos formativos, de forma sistemática e continua, co obxectivo de comprobar os resultados da aprendizaxe e, en consecuencia, a adquisición das competencias profesionais, segundo o establecido nos reais decretos polos que se regulan os certificados de profesionalidade.
9. Asesorar na tramitación da solicitude dos certificados de profesionalidade a todas as persoas que cumprindo os requisitos de acceso á formación, a finalicen con avaliación positiva. En ningún caso, a Consellería de Emprego e Igualdade adquirirá a responsabilidade nin obriga ningunha respecto daquelas persoas que puideran participar na formación sen reunir os requisitos de acceso esixidos polos certificados de profesionalidade.
10. Desenvolver a formación aquí recollida con medios económicos procedentes da Deputación da Coruña, sen que en ningún caso a Consellería de Emprego e Igualdade adquiera ningún compromiso ou responsabilidade económica derivada do desenvolvemento e/ou xestión da mesma.

TERCEIRA.- COMPROMISOS DA CONSELLERÍA

A Consellería de Emprego e Igualdade obrígase a expedir os correspondentes certificados ou, no seu caso, as unidades de competencia, a quen o solicite e demostre ter superado todos os módulos correspondentes ó devandito certificado ou unidade de competencia, a través da formación impartida por esta institución correspondentes aos itinerarios de formación recollidos no punto PRIMEIRO deste convenio, unha vez comprobado o cumprimento dos requisitos esixidos neste convenio e na normativa reguladora dos certificados de profesionalidade.

En ningún caso, a Consellería de Emprego e Igualdade adquirirá ningunha responsabilidade respecto daquelas persoas que puidesen participar na formación sen reunir os requisitos de acceso esixidos polos certificados de profesionalidade ou se a formación se impartise sen cumprir os requisitos propios do certificado nin ningún compromiso ou responsabilidade económica derivada do desenvolvemento e/ou xestión da mesma.





CUARTA.- COMISIÓN DE SEGUIMIENTO

Constitúese unha comisión paritaria de seguimento deste convenio formada por dous representantes da Dirección Xeral de Formación e Colocación e dous representantes da Deputación da Coruña. As funcións de secretaría serán exercidas por un funcionario/a da Dirección Xeral de Formación e Colocación.

Esta Comisión exercerá, principalmente as seguintes funcións:

- Interpretación e resolución de cantas dúbidas ou conflitos se formulen na interpretación do presente convenio e a súa aplicación.
- Vixilancia e seguimento do cumprimento deste convenio.
- Aqueloutras que, para o efecto, se lle encomenden.

As cuestións litixiosas xurdidas acerca da súa interpretación, modificación e resolución, serán resoltas pola Consellería de Emprego e Igualdade, poñendo fin á vía administrativa.

Contra estas resolucións poderá interpoñerse recurso potestativo de reposición, segundo o disposto na Lei 39/2015, do 1 de outubro, do procedemento administrativo común ou directamente recurso contencioso-administrativo, de acordo co disposto na Lei 29/1998, do 13 de xullo, reguladora da xurisdición contencioso-administrativa.

QUINTA.- NATUREZA DO CONVENIO

O presente convenio ten natureza administrativa, rexéndose nos seus efectos polo establecido nas súas cláusulas, e aplicándose a Lei 40/2015, de 1 de outubro, de réxime xurídico do sector público; a Orde TMS/369/2019, do 28 de marzo, pola que se regula o rexistro estatal de entidades de formación do sistema de formación profesional para o emprego no ámbito laboral, así como os procesos comúns de acreditación e inscrición das entidades de formación para impartir especialidades formativas incluídas no Catálogo de Especialidades Formativas; a Orde TMS/368/2019, do 28 de marzo, pola que se desenvolve o Real decreto 694/2017, de 3 de xullo, que á súa vez desenvolve a Lei 30/2015, de 9 de setembro, pola que se regula o sistema de formación profesional para o emprego no ámbito laboral, en relación coa oferta formativa das administracións competentes e a súa financiación, e se establecen as bases reguladoras para a concesión de subvencións públicas destinadas a o seu financiamento; os principios da Lei 9/2017, de 8 de novembro, de contratos do sector público, para resolver as dúbidas e as lagoas que podan presentarse, de acordo co seu artigo 4.

SEXTA.- REXISTRO

Este convenio será obxecto de inscrición no rexistro de convenios da Xunta de Galicia, tal e como establece o Decreto 126/2006, do 20 de xullo, polo que se regula o Rexistro de Convenios da Xunta de Galicia, así como no Rexistro correspondente da Deputación da Coruña.





Os asinantes do convenio manifestan o seu consentimento ou autorización para que os seus datos persoais que consten no convenio, e mais o resto das especificacións contidas no mesmo, poidan ser publicados no Portal da Transparencia e Goberno Aberto, consonte ao establecido nos artigos 14 e seguintes da Lei 19/2013, do 9 de decembro, de transparencia, acceso á información pública e bo goberno e os artigos 29 e seguintes da Lei 1/2016, de 18 de xaneiro, de transparencia e bo goberno.

SÉTIMA.- EXTINCIÓN OU RESOLUCIÓN DO CONVENIO

Son causas de extinción ou resolución do presente convenio:

- a) O incumprimento das súas cláusulas por calquera das partes.
- b) A alteración substancial das condicións que propiciaron a súa celebración.
- c) O mutuo acordo.

En caso de extinción ou resolución do convenio, calquera que fose a súa causa, as actuacións ás que ven referido o seu texto, e que no momento da resolución ou extinción se atoparan en curso de realización, continuarán o seu desenvolvemento ata a súa finalización.

OITAVA.- CONFIDENCIALIDADE E PROTECCIÓN DE DATOS DE CARÁCTER PERSOAL

As partes comprométense a manter estricta confidencialidade respecto de calquera información que lles sexa subministrada en virtude do presente convenio, a non ser que por parte das mesmas se autorizase expresamente a súa difusión.

Este compromiso de confidencialidade farase extensible ao tratamento de calquera outros datos e informacións de carácter persoal a que as partes puidesen ter acceso como consecuencia da execución do presente convenio.

Neste sentido as partes comprométense a cumprir adecuadamente e, en todo momento as obrigas derivadas da Lei orgánica 3/2018, do 5 de decembro, de protección de datos e garantía dos dereitos dixitais e do Regulamento (UE) 2016/679 –RXPD do Parlamento Europeo e do Consello sobre protección de datos de carácter persoal e das demais disposicións vixentes nesta materia, respecto do tratamento dos datos persoais facilitados, cuxo prazo de conservación será o necesario para a completa execución do procedemento, incluído o prazo de prescrición a efectos de posibles responsabilidades derivadas da actividade ou do dito tratamento. Os datos poderán ser cedidos a outras Administracións públicas cando sexa necesario para a correcta prestación do servizo ou ben en cumprimento dun mandato legal ou xudicial. Tamén poderán ser verificados e cotexados con calquera outros dos que as demais Administracións dispoñan a fin de comprobar a súa exactitude e veracidade. As persoas interesadas poderán exercer os dereitos de acceso, rectificación, supresión, oposición, limitación do tratamento e portabilidade, así como opoñerse á toma de decisións individuais automatizadas, incluída a elaboración de perfís, na forma prevista na normativa vixente, perante o órgano



responsable do ficheiro. Así mesmo teñen dereito a presentar unha reclamación perante a Axencia Española de Protección de Datos (www.aepd.es).

NOVENA.- VIXENCIA DO CONVENIO

A vixencia deste convenio abrangue desde a data da sinatura ata que finalice o período de execución das accións formativas reguladas no mesmo (30 de novembro de 2021). Cando existan causas excepcionais que impidan finalizar a execución do proxecto no prazo fixado, a Deputación de Coruña poderá solicitar unha ampliación do prazo debidamente xustificada.

O Convenio extinguirase por denuncia dalgunha das partes, formulada de forma fidedigna con tres meses de antelación, ou se dea por rematado en calquera momento por mutuo acordo entre as partes, previa comunicación polo menos cun mes de antelación, ou por causa de forza maior.

De conformidade, asinan este convenio, no lugar e data do encabezamento.

A Conselleira de Emprego e Igualdade



Maria Jesús Lorenzana Somoza

O Presidente da Deputación Provincial da
Coruña



Valentín González Formoso



ANEXO I

PROGRAMA DE SALVAMENTO E SOCORRISMO ACUÁTICO. DEPUTACIÓN DA CORUÑA

AFDP0209 Socorrismo en Espazos Acuáticos Naturais			AFDP0109 Socorrismo en instalacións Acuáticas		
MODULOS	HORAS	UNIDADES F	MODULOS	HORAS	UNIDADES F
MF0269_2: Natación	120	UF0907: Habilidades e destrezas básicas no medio acuático			
		UF0908: Técnicas específicas de nado no medio acuático.			
MF1082_2: Prevención de accidentes en espazos acuáticos naturais	60		MF0270_2: Prevención de accidentes en instalacións acuáticas	40	
MF1083_2: Rescate de accidentados en espazos acuáticos naturais.	120	UF1499: Técnicas de nado e condición física no rescate de accidentados en espazos acuáticos naturais.	MF0271_2: Rescate de accidentados en instalacións acuáticas.	90	
		UF1500: Extracción e traslado de accidentados en espazos acuáticos naturais.			
MF0272_2: Primeiros auxilios	40				
MP0187: Módulo de prácticas profesionais non laborais	80		MP0186: Módulo de prácticas profesionais non laborais	80	
FORMACIÓN COMPLEMENTARIA					
DESA	5	Formación en desfibrilación semiautomática externa (DESA) para personal no sanitario			



FORMACIÓN TRANSVERSAL

FCOO03	10	Inserción laboral, sensibilización medioambiental e na igualdade de xénero			
FCOXXX24	10	Formación para a igualdade			
TOTAL	445 horas		TOTAL	210 horas	
TOTAL				645 horas	